



REPUBLIKA E KOSOVËS / REPUBLIKA KOSOVA

GJYKATA THEMELORE FERIZAJ

Numri i lëndës: 2018:040096

Datë: 11.11.2019

Numri i dokumentit: 00638250

P.nr.992/18

NË EMËR TË POPULLIT

GJYKATA THEMELORE NË FERIZAJ-Departamenti i Përgjithshëm-Divizioni Penal - në përbërje nga gjyqtarit individual Elmaz Zenuni me sekretaren juridike Igballe Arifi, në çështjen penale kundër të pandehurit A.H. nga Fshati P. Komuna e F., për shkak të veprës penale vjedhja e shërbimeve nga neni 314 par.1 të KPRK-së, sipas aktakuzës së Prokurorisë Themelore në Ferizaj PP/II.nr.1281-3/2018 të dt.19.07.2018, pas mbajtjes së shqyrtimit fillestar gjyqësor me datën 11.11.2019 , në praninë e përfaqësuesit të akuzës – Prokurorit të Shtetit Ajtene Zoni, si dhe të pandehurit, e Përfaqësuesit juridik të dëmtuarës KEDS- në Ferizaj B.S., me datë 11.11.2019 mori dhe publikisht komunikoi, si dhe të njetën datë më 11.11.2019 përpiloi me shkrim , këtë:

A K T G J Y K I M

I akuzuari: **A.H.** nga Fshati P. Komuna e F., i lindur me dt....., në P. të F. (me nr. personal), nga i ati J., ka të kryer shkollën e mesme, punon si tregtar, i martuar, baba i 2 (dy) fëmijëve, i gjendjes së mesme ekonomike, shqiptar, shtetas i Republikës së Kosovës,

ËSHTË FAJTOR

Sepse prej datës se pa vërtetuar e deri me datën 14.04.2018 ne lokalin e tij ushqimor, ne fshatin P. në F. me qëllim të përvetësimit të shërbimit komunal ka vjedhur energjinë elektrike në atë mënyrë që gjatë kontrollit nga ana e punëtorëve të KEDS-it, kanë hasur në keqpërdorim të energjisë elektrike duke lidhur direkt në njëisorin elektrik jashtë pikës matëse në (ne FID) dhe si pasojë energjia e shpenzuar nuk është regjistruar, me të cilin veprim ka dëmtuar KEDS-in, në shumë prej 468.37€.

me këtë kreu veprën penale vjedhja e shërbimeve nga neni 314 par.1 të KPRK-së.

Andaj, në bazë të dispozitës ligjore të sipër theksuar, si dhe dispozitave ligjore nga neni 3, 5, 8, 11, 16, 41, 43, 49, 51, 73, 74, të KPRK-së, si dhe nenit 365 të KPPRK-së, të pandehurin e:

GJYKON

- DËNIM ME KUSHT ne kohëzgjatje prej 3 (tre) muaj, i cilai dënim nuk do të ekzekutohet nëse i pandehuri në afatin prej 1 (një) viti nga dita e plotfuqishmërisë së këtij aktgjykimi nuk kryen vepër tjetër penale.
- Obligohet i pandehuri që në emër të kërkesës pasurore juridike të paguaj KEDS-it distrikti në Ferizaj shumë prej **468.37€**, ne afat prej 30 ditëve nga dita kur aktgjykimi te merr formën e prerë.
- Obligohet i akuzuari që të paguajnë paushallin gjyqësor në shumë prej 20 €, në afat prej 30 ditëve, nga dita kur aktgjykimi të merr formën e prerë nën kërcënimin e përmbarimit me dhunë.
- Konform nenit 39 par.3.1 të Ligjit për Kompensimin e Viktimave të Krimit –Ligji nr.05/L-036, Obligohet i akuzuari që në emër të Taksës për Kompensimin e Viktimave të Krimit të paguaj shumë prej 30 eurove, në afat prej 15 ditëve, nën kërcënimin e përmbarimit të dhunshëm.

A r s y e t i m i

PTH në Ferizaj me aktakuzën PP/II.nr.1281-3/2018 të dt.19.07.2018, ka ngarkuar të akuzuarin A.H. nga fshati P. Komuna e F., për veprën penale vjedhja e shërbimeve komunale nga neni 320 të KPRK-së, ku prokurori i shtetit Ajtene Zoni mbeti në tërësi pranë aktit akuzues, por bëri rikualifikimin e veprës penale nga neni 320 i KPRK-së(i vjetri) , në nenin 314 par.1 të KPRK-së (i riu), pasi që për të pandehurin kjo dispozitë ligjore është më e favorëshme, duke kërkuar që i pandehuri për këtë vepër penale të shpallet fajtorë dhe ti shqiptohet sanksion penal i paraparë me ligj.

Gjykata pasi studioi materialet e çështjes penale të paraqitur për gjykim, çmoi se çështja është në juridiksionin e saj dhe gjykimi i kësaj çështje penale duhet te realizohet përpara kësaj gjykate. Po kështu është në kompetencën lëndore dhe territoriale të kësaj gjykate, pasi vepra penale për te cilën është proceduar i pandehuri gjykohet nga gjyqtari individual.

Gjykata duke vepruar sipas kësaj akuze caktoi dhe mbajti seancën e shqyrtimit fillestar gjyqësor me datë 11.11.2019, në të cilën shqyrtim gjyqësor: *i akuzuari është deklaruar fajtor për veprën për të cilën me ngarkon akuza, me vjen keq për këtë vepër penale, ndihem thellë i penduar, i vetëdijshëm për pranimin e fajësisë si dhe pasojat që mund të vijnë nga ky pranim me vetëdije dhe në shenjë pendimi pranoj veprën penale, jam mbajtës i familjes me 2 fëmijë, është hera e parë që ndeshem me ligjin pjesën më të madhe të dëmtit të shakktuar ia kam paguar KEDS-it, i kërkoj gjykatës të më shqiptoj një dënim sa më të butë.*

Përfaqësuesi i KEDS-it Distrikti në Ferizaj B.S. në shqyrtim fillestar gjyqësor ka deklaruar se i bashkangjitem ndjekjes penale dhe paraqes kërkesë pasurore-juridike, kompensimi i dëmit, ashtu siq është paraqitur në aktakuzë pra shumën prej 468.37€. Njekohesisht, përfaqësuesi i të dëmtuares ka deklaruar se në masën më të madhe konsumatori e ka kompensuar demin e shakktuar, ku si deshmi ia ofroj faturën, e cila është pjesë përbërëse e shkresave të lëndës.

Prokurorja e Shtetit Ajtene Zoni, duke shprehur mendimin e saj përkitazi me pranimin e fajësisë, ka vlerësuar se ekziston baza për pranimin e fajësisë së të akuzuarit, duke i propozuar Gjykatës që të akuzuarin ta shpall fajtorë dhe të i shqipton dënim sipas ligjit.

Pasi që i akuzuari ka pranuar fajësinë që në fillim të shqyrtimit gjyqësorë, Gjykata për të vlerësuar pranimin e fajësisë e duke pasur parasysh edhe mendimin e Prokurorit të Shtetit, përfaqësuesit të dëmtuarës, shqyrtoi me kujdes faktet e parapara nga neni 248 par. 4 të KPPRK-së, edhe pas udhëzimit në kuptim të nenit 383 par. 2 të KPPRK-së, përkitazi me të drejtën e ankesës vetëm për sanksionin penal, por jo edhe për shkak të gjendjes faktike, ashtuqë gjykata vlerësoi se:

- * i akuzuari ka kuptuar natyrën dhe pasojat e pranimin të fajit;
- * pranimi është bërë vullnetarisht;
- * pranimi i fajit mbështet në faktet dhe prova materiale të rastit konkret dhe atë me provat e paraqitura nga Prokurori i Shtetit përkatësisht mbrojtja e të akuzuarit në shqyrtimin gjyqësorë dhe atë: Fatura DFEHP1815047 e datës 17.04.2018, Procesverbali me nr 0724176, i datës 14.04.2018 si dhe fotografitë në vendin e ngjarjes të cilat gjenden në shkresat e lëndës, të gjitha këto prova të mbledhura gjatë procedurës hetimore, e njashtu konform nenit 257 të KPPRK-së shifet se në rastin konkret të kësaj çështje penale nuk ka prova të pa pranueshme;
- * si dhe akuza nuk përmban asnjë shkelje të qartë ligjore ose gabime faktike.

Gjykata pas administrimit të provave në shqyrtim gjyqësor publik dhe vlerësimit të tyre një nga një dhe në lidhje reciproke me provat e tjera, ku në bazë të vlerësimit të tillë vërtetoi këtë gjendje të fakteve si në vijim:

sepse prej datës se pa vërtetuar e deri me datën 14.04.2018 ne lokalin e tij ushqimor, ne fshatin P.në F. me qëllim të përvetësimit të shërbimit komunal ka vjedhur energjinë elektrike në atë mënyrë që gjatë kontrollit nga ana e punëtorëve të KEDS-it, kanë hasur në keqpërdorim të energjisë elektrike duke lidhur direkt në njësozin elektrik jashtë pikës matëse në (ne FID) dhe si pasoj energjia e shpenzuar nuk është regjistruar, me të cilin veprim ka dëmtuar KEDS-in, në shumë prej 468.37€.

Vlerësuar nga aspekti juridik gjykata gjeti se në veprimet e të akuzuarit manifestohen të gjitha elementet objektive dhe subjektive të veprës penale vjedhja e shërbimeve komunale nga neni 314 par.1 të KPRK-së, për të pandehurin A.H., të kryer në mënyrën dhe rrethanat e përshkruara si në dispozitivin e këtij aktgjykimi, edhe atë: veprimet e kundërligjshme të kryera nga i pandehuri kanë cenuar marrëdhëniet juridike të vendosura me ligje për ruajtjen e paprekshmërisë së pronës dhe të drejtave pasurore të personave fizik dhe juridik, kjo vepër

është kryer me anë të veprimeve aktive dhe të kundërligjshme duke u furnizuar me energji elektrike në mënyrë ilegale, në atë mënyrë që konsumatori ka lidhur direkt jashtë pikës matëse të energjisë elektrike, veprimet këto të kryera me dashje direkte dhe me qëllim të posaçëm për të nxjerr përfitime materiale, pasi që i pandehuri jo vetëm që ka parashikuar pasojat e veprimeve të tij, por edhe ka dëshiruar edhe ardhjen e tyre, çka rezulton nga tërësia e rrethanave të kryerjes së veprës penale.

Me rastin e caktimit të llojit dhe lartësisë së dënimit gjykata pati parasysh të gjitha rrethanat të cilat në kuptim të neni 73,74 dhe 75 të KPRK-së, ndikojnë në përcaktimin e llojit dhe lartësisë së dënimit.

Gjykata të akuzuarit si rrethanë veçanërisht lehtësuese i mori parasysh pranimin e fajësisë, si dhe rrethanë lehtësuese mori sjelljen e tij korrekte, pagesen e 80 % të dëmit të shkaktuar kundrejt të dëmtuarës ndërsa në mungesë të rrethanave veçanërisht rënduese Gjykata vlerësoi shkallën e përgjegjësisë penale për të pandehurin dhe rrezikshmërinë konkrete të veprës penale, mbi baze të këtyre rrethanave i shqiptoj dënimin me kusht sipas nenit 51 të KPRK-së, si në dispozitivin e këtij aktgjykimi.

Obligohet i pandehuri që në emër të kërkesës pasurore juridike të paguaj KEDS-it distrikti në F. shumën prej 468.37€. në afat prej 30 ditëve nga dita kur aktgjykimi të merr formën e prerë.

Gjykata është e bindur se edhe me një dënim të tillë, duke marrë parasysh edhe faktin se akuzuari ka bërë pranimin e fajësisë, do të arrihet qëllimi i përgjithshëm i dënimeve i paraparë në nenin 41 të KPRK-së, përkatësisht dënimi i shqiptuar është plotësisht i justifikueshëm, në përshtatje me rrethanat e kryerjes, rrezikshmërinë e saj dhe të autorit të saj, që do të shërbej në parandalimin e kryesit nga kryerja e veprave penale në të ardhmen (preventiva speciale) si dhe do të arrihet qëllimi që ti përmbaj personat e tjerë nga kryerja e veprës penale (preventiva gjenerale).

Obligohet i akuzuari që të paguajnë paushallin gjyqësor në shumën prej 20 €, në afat prej 30 ditëve, nga dita kur aktgjykimi të merr formën e prerë nën kërcënimin e përmbarrimit me dhunë.

Konform nenit 39 par.3.1 të Ligjit për Kompensimin e Viktimave të Krimit –Ligji nr.05/L-036, Obligohet i akuzuari që në emër të Taksës për Kompensimin e Viktimave të Krimit të paguaj shumën prej 30 eurove, në afat prej 15 ditëve, nën kërcënimin e përmbarimit të dhunshëm.

Në bazë të së theksuarës më lartë u vendos si në dispozitiv të këtij aktgjykimi.

GJYKATA THEMELORE NË FERIZAJ
P.nr.992/2018 i dt.11.11.2019

Sekretarja juridike
Igballe Arifi

Gjyqtari
Elmaz Zenuni

KËSHILLA JURIDIKE:

Kundër këtij aktgjykimi është e lejuar ankesa,
në afat prej 15 ditëve nga dita e pranimit,
Gjykatës së Apelit në Prishtinë nëpërmjet Gjykates Themelore Ferizaj.